

桴菴詩

卷之一



599
序
將菴詩叙

事物靡不自簡趨繁。而聲
音文字之道尤甚。點畫系
而象諧會轉之類孳。呱
載而唇齒舌喉。高下清濁。

之變邈。聲字離合。而格之
奇正華樸。情之間遽悲愉。
意之浮沉顯晦。因之億萬
厥致。獨特文人三寸不律。
字規而句矩之。章繩而體
衡之。然後以繁理繁之具
備。第濬發愈昌。而中局深
固。有不隨聲音文字盡洩
者。自非大解人莫與也。今
夫物之以色香著者。久而

不歇。是則可饗。使人以色
香求之。而卽以色香竭之。
仍可以色香續之。無寧不
以色香名。蓋生生之厚。薄
生。益厚。斯則官之不明矣。

余同年友薛行屋於言志
一道。古稽今質。本諸靜深。
初涉其藩。不敢繁也。旣入
其室。復不敢簡也。久之而
起居於斯。羣獨於斯。遂至

目據手譯之字恢如。乃驅翰墨。藉赫蹠。日有恒御。而胸次無格格遺憾矣。頃獲涵泳其所自編。何其弼彪而亶奕也。邀邀乎其戢競

也。津津乎其扶菀也。細繹之。其緒延咀啜焉。而雋永也。歛旁魄而無鄞鄂侘際。其列須麋也。或擬議而景會。或俛仰而感存。或流連

若願爲。或疏曠翻中結。莫
不本溫柔敦厚之教。而言
志嘗有遺言。且言志每有
餘志。卽能以色香求之。能
以色香竭之乎。所謂昌濟

而深局者。得菴集其庶乎。
余親承厥旨。雖未能盡抉。
突奧卽可測。畧不可測。知
其超寄者在形聲表。世應
不乏大解人也。蜀仙井第。

胡世安拜撰。



序

今宗伯河內薛老夫子。以
文章德業。權衡海內。海內
知名之士。強半稱先生門
下弟子。衛公其長君也。高

才偉學。騰蹕前後。猶太丘
之有元方。明允之有子瞻
矣。衛公之文。苞舉百家。正
正奇奇。不名一格。至縱橫
頓挫之氣。尤與龍門扶風

相揖讓。雖奮迅飛灑。若不
經意。而意韻雋特。皎然爲
風塵外物。予喜讀之。每爲
低徊往復。再四而不厭也。
衛公與予同門。相厚善。與

周序一
之遊處。冲然若未有人。及其論古今興廢。指画山川。籌度事務。當否。井井莫不有條理。又推其餘爲詩歌。嘗示我。擬應

制一章。端雅靜深。清廟生民之什也。噫。何其多能者哉。豈非家學淵源。固有本歟。余南還。衛公手一編。語余曰。吾友計部范君。方以使


事在白門。子爲我授之。謀所以付棗梨質四方者焉。歸而計部君使事竣。將俛俛受代去。未遑多及。余又垂橐。姑從計部君旨。先梓

十之三四。而存其餘以待嗣舉。余懷缺然而不能爲也。然連城之寶。豈在狎陳。希世之珍。以少爲貴。天下讀衛公文者。嘗一嚮。知函

鼎之全味矣。余何歉乎哉。
順治乙未嘉平月門年弟

周景濂書於橫江之

懸雨閣。



敘

再來都門。同學老弟兄。唯
三四人。在日與話家常。數往
昔。間必及於詩。自笑此種老
交態。都門中。亦唯三四人歎
也。時行屋學士。政梓其詩以

叙

行世。乃先授予七言歌行一卷。篝燈讀之。風雨淋漓。山川搖撼。絲毫輒於法。而出以高堂殿。落葉溥海。驚濤之筆。所謂毫髮無遺。恨波瀾獨老成矣。別十年。而行屋

詩。竟臻此。益其讀書博。析理微。觀變久。以真性情。合古軌。及且橐筆鳴珂。以蕭然置身塵外。朱門蓬戶。平陸太行。涉歷既遠。寄寓復深。行屋詩。洵與年俱益哉。

近世作詩。誰不言學杜。若
行屋者。誠得力於杜。而以已
意作杜者也。中州詩。率推
何仲默。李空同。仲默雅而
屬。人譏甚。不學杜。空同詣
較。仲默稍堅沉。人又譏甚。



太學杜。行屋殆驥。駕兩子
上。而為中州詩壇冠矣。嘗
怪杜少陵生平詩。秦州前
者不及什之一。當品其性情
以閱歷而始老。至今讀杜
鵲行。茅屋風雨歌。若聞其

空墻日晚。發言不盡之聲
猶在耳也。又怪其寄次山
夢。太白。謨。襄陽。諸公。聲
調。未必與少陵同。少陵若
寤寐依而水乳合。執事。烏
有不容一息置一字偽者。

可見詩之道。與友朋近。與老
年近。又與老年追憶少年時
近也。予之三舍避行屋。亦又
在斯乎。試持謔憲石相國。菊
潭宗伯。以為歟否。

癸巳冬日。同學年輩。

方拱乾題于長安之
移來草閣。



叙

行塢子裏戚湛于經濟。與
談詩約卅年。中間世局傾
洞。兵戈寇盜。星蝕日赤。山
坼河涸。狼虎在牢。崩奔駭

怪。于是乎極而變矣。予評其詩。律體修潔。七古有度。卽以七古論。窺其雅步亮節。時挾風雲之氣。又似水石砰訇。風沙翳肆。金刀鑿馬。出沒荒榛。斷崖之間。時而老健。陡峙。時而覆五嶽。翻滄海。黃龍人鬼變相。蟠屈馳驟。嘖嘖閃悅無恒狀。雖苦學持茹有年乎。何以

馴臻此境歟。得非其經歷
嶽崎。凡鬱于心。發于魄。與
力結。屋德。書憂。國軫民。
合風合雅。根幹不革。動泄
不失。毋乃傾之而出耶。卽

此是詩。卽此是經濟。詩文
得山川之助。旣多讀書。又
得磨琢于世局之變。溲然
謹其根閉。儻過此年逾深。
火候逾慧奇。萬物犇命。極

且變大且化也。予又不得以涯際窺行塢矣。

眷社第王鐸撰。



序

薛學士桴菴。以文學經濟為一世所宗。而尤喜稱詩。其詩渾涵汪茫。千彙萬狀。隸古今而胥之。今日之杜少陵也。自

宋以來學詩者多師法少陵。如高子勉、晁叔用、狄元規、唐彥謙、黃亞夫、謝師厚、陳簡齋、楊誠齋、曾茶山、李南金、周德卿、趙廷采之徒。其見於山谷

后山、後邨、南邨之評議者甚著。介甫謂子瞻雪詩，有少陵氣象。六一謂鄭伯玉不減少陵風味。王平甫謂文潛不減少陵。後邨謂趙明翁似少陵。

水心謂翁嘗之頗似少陵。希
文謂曼卿酷似少陵。陳子京
張伯雨謂楊煥然范德機如
少陵。張表臣謂介甫何異少
陵。淮海荆溪欲以曹元象葉

水心詩直置少陵集中。馬虛
中謂陳子振長歌短歌遍少
陵。孔平仲涂守約謂呂元均
鄧元迪追少陵。石林謂蘇王
追配少陵。許彥周謂子瞻南

海詩介甫鍾山詩追逐少陵。
裘竹齋謂范光伯逐少陵而
升其堂。水心謂鄭大愚升少
陵太白之堂。后山謂子瞻越
海度嶺後深入少陵堂奧。

齋謂鄒應可入少陵戶牖。疊
山謂后山與少陵爭衡。荆溪
又謂水心詩句與少陵爭衡
者非一。朱少章謂山谷致少
陵之渾成。子瞻以孔毅甫為

前生少陵。趙清獻蘇子由、劉平國、文宋瑞、劉雲卿、元裕之、曹兌齋、倪元鎮、以榮學士、毛國鎮、趙章泉、聶吉甫、李公度、辛敬之、元裕之、陳子貞、為少


陵。范忠宣、歐陽公、張子卿、以張伯嘗、胡武平、梅聖俞、為李杜。杜杜挺之、以邵不疑、為李杜。韓水心、謂趙汝談、兄弟、韓篇杜筆。其實、負形神、俱肖少陵、復

生者。在宋惟子瞻。元惟裕之。今日則桴庵耳。獨計少陵。以文遇主。負海內重名。此桴庵所同也。棄官流落。丐拾為資。至於衣不蓋體。孺弱餓死。此

少陵所獨也。而讀桴庵古近體詩。其善陳時事。轉變不測。一似石壕新安之觀記。彭衙桔柏之崎嶇。重變現於少陵筆端者何歟。王內三之於桴

庵。孫文公之清臣。歐陽公之
子瞻也。清臣嘗跋文公子瞻
謂歐陽公偉麗句。與少陵並
騎爭先。若桴庵之與少陵並
爭者。豈止一二偉麗句而已

哉。
順治甲午孟秋。虞山錢謙益
題。



序

泰際以丁卯冬。詔選北上。正當戊辰對策。放榜。見馬上着進賢冠。紛紛赴南宮者。與同輩漫語。曰。是中必有座主在。因對顧色張。各矜抗不相下。午秋登賢書。爲東粵葉夫子第四卷。復十二年癸未。又果出薛夫子門下。凡人苟博一第。誰無知己。然必以大賢知遇爲榮。范矜和鉢。蘇樂歐門。古今固不相遠也。年來朝野判地。僅于邸

帖中闕夫子立朝聲績一二。與夫家學淵源之盛。其兩出夫子之門者。或身依日月。門生門下。已華多士。否亦威飛霜斧。聲著粉曹。未有稿色。林間。不申一用。若泰際者也。卽陽春之大。不遺纖草。如兒子霖汝。楫汝。以計偕拜夫子階下。亦必引手命坐教之。而自分放廢不振。欲比益公門下縷蔥末座。豈可得哉。昨歲、彭子子上、懷刺遊都門。謁吾夫子、荷題門吐茵之愛。及子上歸

省。得見夫子。死且紀恩詩。一時風雲之氣。輝照田廬。簪花抱翠。又拜下風。子上、因述夫子、公餘便置身牙籤玉軸中。時或有所感賦。卽子夜、必燃燭命筆。出以相教。今所攜五七言諸體。亦一斑也。泰際受而讀之。始信偉人天士。留心世道。必不爲吟賞風月之細。昔伯玉賦感遇。未免撞碎胡琴。大杜詞多傷亂。亦爲栖栖獨樹。吾夫子負朝端重望。履豐肩鉅。乃于斜陽塵馬之後。又

復出其餘緒。羽翼風雅。此非具全石大才。必不能探懷而出。駕五版並答之上。非抱惓惓忠愛之心。亦必不能觸目增感。先事厯懷至此也。因念古來相業。推周公極盛。然性情感觸。亦復不廢詩章。其叙次時物。志王業艱難之始。爲絕大文字。凡後世月令。蟲魚等書。皆屬其苗裔。至鴟鷂一篇。預凜飄搖。又爲後賢憂時憫俗。種種危苦之詞所自出。今夫子翔步崇階。行且共康庶事。其爲傳且久者。自有名業在。固不徒以有嚴之言重。然究無因名業而掩抑風雅者。與彭子謀先以述作付梓。餘稿以次訂成。真鼓吹休明之藉也。若謂吟咏之樂。偏屬窮居。則豳風七月諸篇。固堂堂至今矣。

吳嚶門人、王恭際謹序。

跋

長安以詩名者。爲王先生覺斯。劉先生憲石。暨
吾行屋薛夫子。所謂三大家者也。夫子與兩先
生。勞精疲神。凡食寢其中。廿餘年而後工。覺斯
先生沒。而調益孤。和彌寡。作者紛然。爭以字句
取妍。而務爲新奇。險澁無謂。刻鏤萬狀。于風人
忠厚之意。蕩然無復遺。夫子與憲石先生。更相
酬倡。力挽之和平。一歸大雅。含蘊蓄鹽梅之

外。使人咀詠而自得其所以然。故至今長安之業是學者。取以爲法焉。前年冬。客于夫子之桴菴。架書萬卷。而半皆詩。自漢魏及元明。諸家集選。無不備具。皆夫子手評而閱較再四過者。與人言詩則疊疊。自朝至夕。雖盛夏嚴寒無厭。嘗與覺斯先生。雪夜論詩。立庭中。至五更談尤高不倦。夫子于詩如此其好之篤。而學之精也。所著詩。五七言古。今述體。約二千餘篇。去年春。辭夫子南還。子身數千里。不能悉裝以歸。藏七言古詩一冊。五言古三十首。爲長塗破寂資。歸而卽公諸同好。內三師奉誦而付之梓。識者謂夫。子古詩。創闢似王建。蘊籍似張籍。豪縱似李白。悲壯似杜甫。噫。盡之矣。

嚶水門下後學。彭志古。謹跋。

桴庵詩目次卷之一

五言古

河陽

紫金山

扣馬村

望北邙

澆花井

韓塚

吳寨莊居四首

晨征

竹林

雜興詩三十首

卽事

悼馬二首

躡虛二首

送陳實庵

送宋今礎分權淮南

送曹白公之黟縣任

秋暑未退齋前瓜瓠方實一朝涼風驟至

衰颯遽形愴焉有省

西山移來桂花頗覺芬郁漫賦

壽袁封翁

罔無馬

城門馬逸

送張伯珩按蜀

賦得濁醪有妙理

種竹後卽雨

寄贈蔣楚珍

送襄陵李生歸淮陰

因李生之淮上寄趙雲程

諸城高明府縣堂產芝

示胤侄

送張松霞之浙江任卽寄懷大匡道隱星

來包庵貞石非聞諸子

壽袁封翁是年農部迎養歸清署中次君

都諫徵詩遙祝

題賀孝廉宣三函樓

送梁芝三吏部請養歸里卽訂明年百泉

之遊

送張玉調司馬馳驛歸永寧

張玉調司馬井異詩

挽王渭橋

桴菴詩集河

陽薛所蘊撰

順治十二年刊

本五卷四冊

桴庵詩卷之一

河陽薛所蘊行屋著

男奮生

歲生

芊生

穎生

佳胤生較訂

五言古

河陽

鬱鬱河陽邑。郊坰麗蜿蜒。太形幕北址。洪流帶南壩。三城控形勢。綺繡錯川原。獫狁恣憑陵。烈焰灼璵璠。人烟莽蕭索。草木亦焦燔。四顧悲風來。中心起長歎。

紫金山

騁步邑西門。緬彼金山阿。瞻言陟崇崗。俯眺見長河。舟行如鳧鷖。汎汎揚飛梭。憇樹蔭喬林。藉草尋坡陀。薰風適南至。漁唱起清波。汨汨牽行役。何如此婆娑。

扣馬村

河流抱荒曠。傳是扣馬地。茲事已千秋。清風永不替。姬鼎定郊廓。三十卜其世。穀雒闢二龍。東都黍華翳。寂寂首陽山。壁立無崩墜。

望北邙

跋予孟津野。寓目邙山路。邙山多培塿。盡是古

人墓。長楊迷蔓草。縱橫走狐兔。紙錢無遺灰。蒿
風起日暮。王侯與卿相。一種狎樵豎。

澆花井

古有潘河縣。栽花滿縣境。爲政屏煩苛。官閒
亦靜。世遠人滋遐。閭閻紛多警。不見當年花。尚
留澆花井。有冽照寒泉。對此長引領。

韓塚

洵美韓莊野。蒼松護古墳。吏部於斯葬。顯氣二

青雲。拜墓無子姓。有司勞駿奔。睠言鄉先哲。高
名重榆枌。伊余勤仰止。千秋誦遺文。

吳寨莊居

密樹覆疎籬。清渠繞茅屋。閒閒十畝間。禾黍暢
心目。瓜瓠蔓青畦。梨棗間叢竹。濯足東溪流。采
花南澗曲。此中可忘機。有悔學干祿。

其二

平疇茂佳穀。修林蔽炎曦。科頭課僮耕。樂此不

知疲披襟藉草坐。仰見行山岬。山中多白雲。習習吹涼颯。自謂羲皇人。甘爲勞者噍。

其三

隣叟四五人。携壺相勞去聲視。瓦缶傾柿釀。言皆真率意。云記萬曆中。時和鮮兵氣。雨暘不愆伏。稼穡多委積。官府有餘閒。城郭罕常至。談罷驟停觴。仰天揮涕泗。

其四

種黍百餘畝。收穫百餘石。甕頭春釀熟。期此共朝夕。我生初無爲。我茲遭多恤。願學中山翁。一醉累千日。

晨征

中宵興旅館。雞鳴即長路。仰見衆星白。凌晨裊行露。東霞升海隅。西嶺濛朝霧。寒鴈正南翔。游子方北度。僕夫告况瘁。而我胡馳霧。王程阻且修。簡書深所懼。持祿甘行役。寧辭齒髮暮。三復

榮子言願因葆貞固。

竹林

緩步代嚴駕。適彼竹林遊。林中綠陰濃。林下亂
水流。當暑發清籟。爽氣似新秋。緬懷七賢侶。託
寄何悠悠。典午世多故。冥然忘百憂。

雜興詩三十首

四序運元化。榮枯實自然。不舍在晝夜。物各有
其天。如何苑李枝。凌雪競芳妍。悠悠安足問。緬

想三五前

其二

騶虞具靈異。足不踐生草。矰繳網罟興。智足亂
魚鳥。陰陽競龍戰。玄黃無時了。至哉五千言。慈
衛以爲寶。

其三

萬物有銷歇。胡爲苦營營。金張七葉貴。高墳與
土平。青門種瓜人。昔日侯東陵。閭風若可到。吾

欲舉瑤英。

其四

井蛙拘所見。望洋驚海若。一墟亦自怡。天地莽
寥廓。至理本無二。推準有其籥。茫茫宇宙來。載
籍紛參錯。古人獲我心。萬應豈轆轤。

其五

鬱鬱吾奚適。登彼崇山阿。四顧但茫然。歲月同
逝波。浩哉廣武嘆。英雄事若何。未央生秋草。露
盤沉中河。蕭條五原樹。悲風日夜多。

其六

舊有歐冶劍。磨礪十年餘。意欲奉君子。結交托
心期。如何中道變。所用非所須。銛刃生鏤鏹。月
魄蝕蟾蜍。悲鳴鏑空匣。撫視深涕洟。

其七

鷗鳶嗜腐鼠。鳳凰甘竹實。大冶自同鑄。秉性各
有適。蟬鳴高樹巔。湛露沆瀣滴。羨彼幽林中。炎

天吸清液。

其八

種蘭忌當門。而况多栽棘。蕭艾塞空堦。孤葵蔽
炎日。感慨龜山操。尼父心悲泣。繁絃起哀思。斧
柯嘆靡及。

其九

匹夫矜疾視。聖人貴守黑。去勇而有強。其強乃
無敵。水滴石能穿。惟柔故莫屈。近取譬一身。舌

存齒先折。

其十

達人尚玄冥。俗士競寵利。當其意適時。自謂愜
心契。陰陽有代謝。秋飈衝暑至。萬物凋清霜。雪
霰盈堦砌。蔓草竟何施。四顧生歔歎。

其十一

讀古桃源詩。如遊桃源處。洞口一竅明。流水杳
然去。桑麻橫廣陌。雞犬如凡世。吾欲溯武陵。載

躡漁父屐。拜揖秦前人。閱古俎豆制。如何絕津梁。千載門常閉。

其十二

憑高眺大野。四海何蒼黃。古人與今人。一氣混渺茫。籠身競飛走。日夜以爲常。千秋猶旦暮。嗒然齊彭殤。

其十三

燕昭黃金臺。築之誠有意。五百買馬骨。樂毅千

里至。一舉下齊城。破竹七十二。用賢有成效。斯理永不替。徒令千載後。緬懷昔人事。無復覩遺址。蒞蒞秋草翳。

其十四

澤國啖蠃蝦。高土甘黍稷。滋味固各殊。食性自有協。乃知萬化情。不必強之一。魚忘於江湖。人忘於道術。茲理詎可期。羲軒邈難卽。

其十五

前庭有槿樹。凌朝露華沍。燁燁燦朱英。美人比
顏色。暮光自西來。一瞬見衰歇。萬物皆如此。臨
風生嘆息。

其十六

過古戰場下。烏鴛飛且鳴。吮血復啄瘡。遺骨蔓
草縈。天地胡不仁。斯民等芻靈。何不常揖遜。而
俾有戰爭。悲風動地來。四隅起笳聲。唯盱者何
代。悠然動遠情。

其十七

海上有僊山。淼淼烟水隔。我欲躡其巔。而苦無
舟楫。曾聞麻姑言。幾見滄波竭。安得偕韓衆。與
之溯溟渤。出入蓬島間。永謝簪纓客。

其十八

榮辱亦何常。遇合各有時。蔡澤奪相印。乃在立
談期。翟公一失勢。門巷雀羅施。富貴競奔走。故
是賣珠兒。撫茲休浩嘆。隨意屈金卮。

其十九

白面誰家子。粧束矜新格。上領盤蚪螭。下帶鴛
鴦結。飛鞚長楸林。臂鷹馳道側。一朝假節旄。肘
印黃金篋。豈學揚子雲。皓首玄猶白。

其二十

鴻鵠振逸翮。所志在千里。有時倦羽翰。棲息烟
阜裏。鸞雀傍簷楹。調笑以爲鄙。豈知分量殊。鞭
然空自喜。茫茫塵俗中。誰見鶚冠子。

其二十一

華嶽三高峰。峰峰蓮花萼。伊余曾杖筇。振衣千
仞壑。蚬蠶穴吐風。上與雲氣薄。手弄瀑布水。萬
古滌塵濁。何時訪毛女。金天煉大藥。

其二十二

身足無繩繫。奔騰不停肩。東出扶桑枝。西還若
木巔。朱明方啟夏。商魄已秋圓。清霜變白露。雪
霰浮空山。人生非金石。疇能駐朱顏。

其二十三

神龍工變化。雷奮亦夔屈。大道貴委蛇。至人無
轍跡。智哉柳下季。油油無與失。俛仰千歲間。和
光洵所式。

其二十四

夫子大聖人。無可無不可。與時偕行止。卷舒乃
在我。天地本虛舟。棲泊何處所。萬物貴玄同。嬰
兒以爲杵。

其二十五

犧牛被文繡。粲然華其躬。豈知實鼎俎。榮乃以
爲烹。莊生達觀士。無用與天通。靈龜讐巾笥。
尾寧塗中。

其二十六

蘇門有孫登。長嘯自悠哉。時作鸞鳳音。千巖應
若雷。膏火垂明訓。芳蘭信自摧。此意誰能解。悠
悠感我懷。

其二十七

諸葛臥隆中。時爲梁父吟。二桃殺三士。齊相胡不仁。三良殉穆公。黃鳥有哀音。屈子忠見疑。離騷感人心。青蠅善物變。自古已如今。

其二十八

鸚鵡能人語。半向華籠死。炎洲翠毛鮮。賈客售其羽。紇干山頭雀。癡飛蓬蒿裏。爲腹不爲目。吾美鬱華子。

其二十九

萬有同一氣。二儀總大鑑。如何一父子。而自相煎屠。人心無輟轍。周道元坦途。都哉古人風。翹首見黃虞。

其三十

富貴良易盡。神僊亦虛無。弱水三千里。何曾見蓬壺。巫咸已久歿。安期今在不。堪嗤徐市輩。徒供海魚脯。不如枕糟眠。酩然天爲徒。

卽事

伐檀屯華轂。四牡駸以介。揚鑣脂雙牽。駕言將
行邁。躑躅臨廣陌。洪河阻其外。歸來理方舟。汎
汎浮滄海。白浪疊如山。碣石當其會。水魚而人
立。艱鏗鋸血沛。長林虺蛇盤。周道驅虎隊。傷哉
行路難。遡風亦孔僣。

悼馬

豈其憐神駿。念之服乘久。一朝辭銜轡。臨廐空

回首徘徊初遇時。我徒爾力陡黃金。飾絡頭。稻
粟克芻糗。騰踏冠蓋林。駑駘驚却走。中間歷饑
悴。炎涼固盈抱。呱呱解人意。迎風以嘶吼。雪霜
彌天宇。故舊多凋朽。觸物愴昔懷。于爾心如擣。

又

亦有錦驥裹。亦有紫飛燕。伊余獨繫思。追隨同
憂患。衝塵無遺力。服習精誠見。萬物競趨新。人
情舊足戀。夙昔何草草。長別淚如線。一馬蓋如

斯臨風三浩嘆。

躡虛

玄飈薄戶牖。雨雪霏簷隙。四顧暝色羅。岐路悵
何適。我欲躡飛廉。聳身凌無極。俯視暮雲征。近
見雙九浴。西宿若木巔。東邀扶桑側。曠然絕羈
束。霍此心目曠。

又

水行礙風濤。陸行阻荆棘。歲晚道路修。何由生
羽翼。相彼空中雲。飄飄任所集。將欲乘之遊。隨
風無止息。意南而至南。意北而至北。出入太虛
間。此樂洵靡及。

送陳實庵

紅日薄西山。靄靄暮景臨。之子遠別離。涕下沾
我襟。別離亦常然。何以懷思深。所悲在歲晚。相
看白髮侵。緬想芳盛年。出入同華簪。意氣堅金
石。栖息玉山岑。相期翺廣漢。鸞鳳有清音。豈其

時不與。儀矐判升沉。相彼塌翼鳥。託跡於喬林。
如何遠條揚。而遽斧柯尋。浮雲浩南翔。猿猴流
哀吟。河廣絕津筏。驚風曠以霏。耿耿憂同舟。非
止商與參。臨岐寤長嘆。寄意於瑤琴。此曲難再
彈。沉慟摧中心。

送宋今礎分權淮南

世局同傀儡。相視共登塲。長安閱奕碁。人事有
蒼黃。馮唐亦已老。白首更爲郎。憶昔紉蘭初。携

手趨明光。君蚤躋三事。我亦匹鸞凰。中突遭風
雨。南北翼分張。萍漂重劔合。遽然蝶夢颺。何當
又別離。悽愴裂中腸。駕言欲從由。道路阻且長。
淮水疊高浪。臨濟悵無梁。同雲蔽廣陸。歲寒天
雨霜。何以祇厥躬。柔順而文明。柳下誠爲工。接
與未云狂。冥然天爲徒。虛舟以徜徉。

送曹白公之黟縣任

新秋濛霖雨。游子悵何之。臨岐重握手。行行匹

馬遲高梧一葉下。所嗟非別離。萬里濶翔步。托趾於堦墀。修途詰以曲。六轡審所持。白嶽臨廨宇。劔門峯參差。嵬嵬乎高山。琴韻流清規。古人重本圖。慎固有其宜。何武無赫譽。桐鄉敦遠思。義聞播馨香。蹀躞於皇逵。

秋暑未退。齋前瓜瓠方實。一朝涼風驟至。衰颯遽形。愴焉有省。

堦前種瓜瓠。露雨浥其英。纍纍實蕃衍。幡幡綠蔓縈。一朝感商飈。蕭颯歛已萌。因憶樹藝力。愴茲萎卸情。曜靈叱飛轂。繁華如流螢。蜉蝣且矜羽。大槿敷朝榮。如何祿食子。孳孳伺鷄鳴。羨彼柴桑叟。頽然不解醒。

西山移來桂花頽。覺芬郁漫賦。

羣羣桂樹花。移來西山側。入室散清芬。空香遍几席。靜對屏煩囂。依稀眠月魄。輕馥襲我衣。經宿常不欲。衝塵慙形穢。歛覺胎息易。孤芳獨所

欽馬用百和。葵譬與端士居。薰陶賴有德。

壽袁封翁

袁安天下士。堅臥閉深雪。流風起頑懦。芳躅映
人白。千載有喆喬。歷下振徽烈。腹笥西山藏。萬
卷恣戈獲。丘墳入裁成。星經探圭臬。落筆風雨
驚。揮塵洪濛泄。道高知或稀。積厚流非竭。飛黃
膝下駒。霄漢雷電掣。作述洵有徵。麟閣兆嵒嶽。
彥方式里閔。太丘動蒼闕。俗欽長者風。國虛更
老列。鬱盤岱頂松。凌霜無凋節。

問無馬

生平憐神駿。騰有支遁癖。周歷金馬署。洵美名
非實。謫官甘罔寺。騏驎庶朝夕。乾坤煥王居。驛
騮頤辟易。餼羊取具位。招提寄華跡。龍媒杳莫
追。數對何由迷。仰慙無邪詩。塞翁良可匹。

城門馬逸

朝至城門下。蒞車正崩塞。轟如萬雷轟。行人盡

屏息駭馬踏驚塵。天地爲改色。踧躅輪蹄間。歛
覺黃輿仄。羊腸詎云險。周道臨鬼域。緬彼中林
子。寥廓常自得。

送張伯珩按蜀

持斧西南征。荒烟杳無極。劔閣空崔嵬。躍馬留
遺跡。巴猿客淚迸。峽水驚濤急。霜風一以蕩。疊
嶂如新闢。井蛙失海若。碧雞問高翼。莫言蜀道
難。中原盛荆棘。莫言蜀水清。貪泉滋痰疾。古人
險康莊。而亦賤寶玉。峨眉雪可食。濯錦波可汲。
高雲石棧回。卿月照人白。

賦得濁醪有妙理

伯倫善頌酒。達德不詮理。濁醪作理會。昉自杜
陵子。嗣宗六十日。典午婚議止。彭澤懶折腰。所
寄深於是。堯禹同糝糠。天地乃逆旅。獨醒亦何
爲。萬慮紛邈迤。厭見不醉人。餽糟有餘美。酪然
太始前。弗覩凡近事。

種竹後卽雨

種竹適逢雨。天與幽興愜。一夜南窓間。滿眼琅玕色。余家野王坳。林園饒翠節。作客滯京華。樸檉胸茅塞。靜聽籟龍吟。彷彿鄉音接。

寄贈蔣楚珍

伊昔同文日。風雅君蚤仁。譬之美竹箭。有斐夙所欽。富有羅九流。綵筆奮千尋。躋馭具西馳。手扶江之潯。培崗蔚鳳彩。雖啻矢歲音。煉石期五

色。歸望紫蒼黔。如何雪霰集。而遽陽鳥沉。雙丸揭扶桑。六寓霍重陰。夫君試新猷。泰岱澍靈霖。卷懷識微尚。愛日愜素心。泉石振逸响。山水發清吟。生平勤仰止。跂予金焦岑。所嗟在修途。懷哉空寄岑。令嗣邁履跡。楊芬珠樹林。神駒騁遐轡。龍劔沃飛鐔。漢幟樹詞苑。妙譽激琅琳。盛世佇偃武。麟閣干辰參。述作洵有美。相看並華簪。積愫托心期。因風送瑤琴。何以抒懷抱。擬賦雙

南金。

送襄陵李生歸淮陰

春雲澹夕陰。游子惜路岐。執手沿長嘆。慷慨吐
清詞。緬余別禽昌。歲遠谷陵移。耆舊懷曩好。相
望走京師。後進隔聞見。何以輕所之。父老或傳
言。千里等簷基。敢曰朱邑賢。桐鄉敦古思。李生
金閨秀。來自清淮湄。琅玕照十乘。慰我衰肝脾。
一朝遽言歸。涕爲故人滋。淮水煦以深。欲送阻

天涯。願言奮高翼。九萬以爲期。

因李生之淮上寄趙雲程

葛蘿與青松。根枝自糾結。如何阻山陂。千里同
秦越。去年附書來。云自太行側。枉道晤京華。解
我中抑塞。豈期夙願違。人事有杌隤。西北起驚
塵。瀕洞風烟接。疾驅返淮甸。中懷徒崩殂。長河
怒波濤。欲往乏輕楫。道路信悠悠。封狐嘯林樾。
寄言選長風。聊假南鴻翮。努力愛蒼顏。桑海尚

餘劫。

諸城高明府縣堂產芝

神芝秉靈異。託根殊凡草。土氣和乃生。致之有其道。曾聞古有言。王仁育榮藻。高侯敷政優。求牧深乳祿。百物滋暢遂。天喬鮮黃稿。拱棟結僊葩。堂皇儼巖島。馨香盈座隅。光氣纏青昊。四海困征輸。斯民類集蓼。兔葵蔓井邑。漼漼彌區表。芝房侈漢歌。瑞應爲誰兆。吹萬貫精誠。人和物象造。杳杳原隰平。芄芄黍苗好。禎祥胡足貴。良吏洵所寶。

示胤侄

浮生羈仕宦。骨肉恰多迕。世路閱蒼黃。日月愆常度。前歲再辭家。別汝四載遽。每懷失學憂。中心情有思。遠道晤京師。悲歡一堂聚。辯難古人書。徃徃標新悟。驂駟故逸羣。鵬鶚負健羽。喜看雲霄姿。慰我年遲暮。倉猝復告歸。臨岐重却顧。

驚塵暗九遠。誰爲善翔步。箕裘亦世業。縹緲况
本務。聿汝幼而孤。嫫嫫孀母乳。感茲存歿人。何
以展孺慕。願言愛韶光。分陰勿虛驚。

送張松霞之浙江任。卽寄懷大匡道隱星

來包庵貞石非開諸子。

萍聚多難後。心悲在別離。故人復遄征。握手重
涕洟。維昔及門彥。桃李競芳姿。日月一愆常。奄
忽谷陵移。棟隆自崩折。松桂各紛披。寥寥二三

子。京華日追隨。聞寂劇旅懷。屢三垂絲。非此
蘭蒞契。誰與恤其私。武林名都會。地控東南陲。
湖山資莞鑰。牙鉞肇華基。行子非不榮。而我恣
周饑。茲邦萃印友。遠道阻天涯。冥鴻騫高翼。良
會邈難期。靄靄暮停雲。隨風寄所思。

壽袁封翁。是年農部迎養臨清署中。次君

都諫徵詩。遥祝。

元和育萬有。仁者得壽理。厚積發榮滋。靜氣會

繁祉有美。表公事。諸福洵可指。哦松清韻流。甘棠芾端氏。道伸而位紉。光大在令子。長君璵璠姿。會香司地紀。仲君公輔器。鳳噓梧桐矢。去年逢初度。高堂賡讌喜。門停九列車。庭克百爾履。南陔奏清曲。華慶集寶。茲冬絳雪飄。迎養清源邸。萊彩麗朱紱。司農馳稱兕。緬想賓筵初。奔走二東士。都諫瑣闈英。封事袞職倚。夔夔遙奉觴。選言侑甘旨。而我慙無文。通家夙仰止。何以

致遙祝。翹首岱光紫。

題賀孝廉宣三函樓

危構接青冥。峩峩布遙綺。雲霞拱棟生。川原貢容裔。幽人靜凭欄。吹萬鮮遺理。谷陵變倏忽。人事有伏倚。晤對得其端。中懷澹止水。麗譙敞高宇。天祿富圖史。紛華非爲娛。涉獵亦云鄙。探源陋糟粕。鄴架胡足侈。一元函太極。儀曜于茲起。玄珠罔象求。栖心未有始。

送梁芝三吏部請養歸里卽訂明年百泉
之遊

朝出上東門。浮雲何變遷。行行旌旆揚。握手生
感慨。少壯共幾時。老見征車背。色養陳南陔。萱
日良所愛。我猶曠子職。歸途慚未逮。汎汎潞河
舟。青山遙相對。蒼茫烟水間。吾廬出其外。凝望
杳難極。仰羨飛鴻隊。日暮多悲風。勞勞亦孔僂。
百門泉水碧。奇石生青黛。期子明年春。空濛挹

沉瀝。

送張玉調司馬馳驛歸永寧

共作京華客。君歸我猶住。十載念同人。別離亦
已屢。振鷺正克庭。冥鴻暫爾度。仰視雲中鶴。斥
鷃何足數。金門山色佳。連昌饒笛路。清湍落井
崖。白雲棲遠樹。幽薊多終風。緇塵常滿路。睽茲
中林適。勞勞亦何慕。把酒奉君酌。驛騎憐匆遽。
靡靡旆旌遙。極目日云暮。黯然但銷魂。臨風誰

與訴

張玉調司馬井異詩

庚辰辛巳間。中州莽騷屑。東西兩峭峙。其中火
益熨。名城墮不守。男女焚漂血。詫異張司馬。携
僕井中訣。胡爲裂燭來。烟光水底徹。旁竇僅容
身。二日粒米絕。焚木墜餘灰。吞之如齧雪。寇去
杳無人。欲弄誰與挈。有嫗汲凌晨。垂縷僕攀繼。
迫視滅形影。默默心喜悅。倉皇集同儕。掖主各
嗚咽。重依日月光。勲名重九列。回首驚神異。精
誠良有契。

挽王渭橋

并序

渭橋王廣文。博雅君子也。十餘年來。兵戈阻
喪。不通聞問矣。今歲菊月。令子比部君。持箋
徵言。爲公介六十四歲觴。屬稿甫畢。而訃遽
至。爲詩挽之。

憶昔投分初。君我神俱王。雄文欽博物。雅談識

徵尚風塵十年餘。兵戈道交喪。余見海濤立。君
安丘壑放。有懷慰契濶。道阻川原漲。騰踏啟喆
胤。藉甚青雲望。過我稱父執。問訊諳近狀。慙余
顛毛斑。憐君霜露恙。步屨卽不適。豪吟未肯讓。
一編常自携。柳生忘肘上。子安賦序工。庠喆詩
情壯。斗酒發清謠。遙遙丈人行。季秋霜菊華。嗣
君介壽釀。裁詩致遐祝。俄聞捐几杖。乾坤盛蛙
黽。斯人乃長逞。愁聽山陽笛。厭見黃墟蓋。吾道

欲何之。海塵尚滌埭。低空宿斷雲。儀刑孰可訪。



